

”WATERFIELD”

Ulloq 22. juni 2008 Narsap Katersugaasivia saqqummersitanik annertusissaaq nutaarluinnarmik misigisassaqartitsisussamik videoliamik taaguutilimmik ”Waterfield”

Isiginnaagassiaq piviusorpaluttumik takusassiaavoq silaannaq, imeq sikulu sammisaralugit. Isumasarsiorfiupput piviusumik silaannaap, erngup sikullu naapinnerat, isiginnaagassiamullu atassuserneqarput pineqartut oqaluttuakkut, filmikkut, assitigut allatigullu eqqarsaatersuutigisartakkatsinnik. Isiginnaagassiap isiginnaartoq misigisassaqartippaa silaannaap, erngup sikullu killinginik qaangiinnertut, silaannarmilu timmisinnaasutut imaanullu aqqarsinnaasutut immaqalu aamma tupinnarner-saasutut tassalu qanoq iliornikkut ilulissamut putoqqussinnaanerup qanoq misigisaqarfigneranik. Isiginnaagassiaq aappaluttunik-qorsunnik qalipaatilinnik isarusserluni isiginnaarneqassaaq qalipaatinik taakkuninnga katiterisunik nunarsuarmik piviusutut isiginnaartumut misigisaqartitsisoq. Isiginnaagassiaq silarsuarmik titartakkatut suliaavoq piviusunillu filmiliaalluni, taakkulu kattullugit nipeqartinneqarput isiginnaagassiamut immikkut erinniaasumik.

Isiginnaagassiaq suliarineqarsimavoq Jette Gejl aamma Peter Møller-Nielsen-ip suleqatigiinnerisigut, taakkulu ukiuni arlalinni piviusorpalaartunik eqqumiitsuliatut filmiliortarput. Jette Gejl assilialiortuuvoq ilisimalluakkat sunaassusersisassaanngitsullu akornisa killerpiaanni suliaqartarluni kiisalu naleqqiussat ilisarimasagut nunarsuarmillu aqqissuussarnitsinniit suliaqartarluni. Isiginnaagassiamut aallarniutitut Jette Gejl Narsamiisimavoq tamaanilu najugaqartut oqaloqatigisimallugit imermik sikumillu misigisartagaat pillugit aamma isiginnaagassiaq suliarineqarsimavoq oqaloqatiginnittarnerit taakku namminerlu taakkuninnga misigisartakkani tunngavigalugit. Peter Møller-Nielsen Datalogisk Institut-timut, Årshus Universitet-imi attuumassuteqarpoq aallarteqqaarneraniillu qarasaasiamik titartaanermik ineriartortitseqataasimalluni. Isiginnaagassiamut qarasaasialereriaatsimik ilanngussisimavoq. Ilanngussat tassaapput silaannarmi aalasuliat. Taakkuuppullu ilulissat iluani misigineqarsinnaasut.

Isiginnaagassiaq ukiumi 2009-mi illoqarfinni assigiinngitsuni takuneqarsinnaassaaq.